



KEMENTERIAN PENGANGKUTAN
MALAYSIA

SIARAN MEDIA MENTERI PENGANGKUTAN MALAYSIA

OPERATOR LAPANGAN TERBANG DAN PELABUHAN DIBENARKAN BEROPERASI PADA TAHAP OPTIMUM DEMI KELANCARAN IMPORT DAN EKSPORT

Kementerian Pengangkutan Malaysia (MOT) menyambut baik keputusan Majlis Keselamatan Negara (MKN) untuk menghadkan kapasiti tenaga kerja sektor swasta hingga 60% di seluruh negara dalam usaha mencegah wabak COVID-19.

Pada masa sama, penghantaran barangan keperluan melalui penerbangan dan pelabuhan ke destinasi akhir seluruh negara juga perlu dipastikan tidak terjejas.

Oleh itu, saya telah mengarahkan pihak berkuasa dan operator lapangan terbang serta pelabuhan untuk mengoptimumkan tenaga kerja bagi operasi mereka mengikut keperluan masing-masing bagi memastikan aktiviti-aktiviti import dan eksport tidak terjejas ketika tempoh pelaksanaan Perintah Kawalan Pergerakan (PKP 3.0).

MOT akan terus memantau situasi dari semasa ke semasa untuk memastikan pergerakan penghantaran barangan serta kargo tidak terbantut dan menjejaskan rakyat sebagai pengguna.

Semua kakitangan di lapangan terbang dan pelabuhan turut diingatkan supaya sentiasa mematuhi segala SOP yang ditetapkan termasuklah menggunakan cecair pembasmi kuman, memakai peralatan pelindung diri (PPE) yang bersesuaian, mengamalkan penjarakan sosial dan mengimbas kod QR MySejahtera jika diperlukan.

DATUK SERI IR. DR. WEE KA SIONG
MENTERI PENGANGKUTAN MALAYSIA
24 MEI 2021

-TAMAT-

Tentang MOT:

Kementerian Pengangkutan Malaysia bertekad untuk menjadi peneraju transformasi sistem pengangkutan yang bersepadu, efisien dan selamat dengan memperkasakan sistem pengangkutan berteraskan teknologi sebagai pemangkin pembangunan negara.

Pertanyaan Media

Kementerian Pengangkutan Malaysia
Unit Komunikasi Korporat

Tel +603 8892 1006 (Setiausaha Akhbar)
+603 8892 1027 (Unit Komunikasi Korporat)
Faks +603 8892 0208
E-mel sua@mot.gov.my
unitkomunikasikorporat@mot.gov.my

